



○ **Prozesciuns fora Brach con le Santiscimo:** i recordun l'ordino por les Antlès y Festa dal Cör de Gejú: scolari – jogn – jones – omi – stödafüs – scizeri – musiga – ciantadus – ministronc y preo con Santiscimo – fómenes. An preia che al vegni dit dant y an recorda che dertan che al ven soné les ciampanes o la musiga dessel gní tigní momonc de chit por la meditaziun personala.

● **Stödafüs:** al ven lascé alessi che l'edema dai 30 de ma ai 4 de jügn jarál na sera la sirene: al ven fat na proa de net!



enformaziuns y terminis

Senioreclub/1: deache ai 25 de ma n'era nia garatada, ván en dedemesaledema ai 1 de jügn a Bad Dreikirchen. An peia ia ales 8:02 con la ferata da San Laronz demez por jí cina Tluses, spo ennant con le bus cina Villanders y dedô na picia ora a pe. Al é saurí da jí. Por jí cina San Laronz con l'auto pón telefoné a Lidia, ☎ 339 7899107.

Senioreclub/2: en dedemesaledema ai 8 de jügn ván en pelegrinaje a Unsere Liebe Frau im Walde. An peia ia ales 8:00 con le bus dal Cone demez. Lassö messa ciantada dal Cor dai senioren, dedô marena. Le cost é de 25,00€ a ce. Al é da se tó do le ABO; chi co ô pó spo jí con la Mendelbahn. Prenotaziuns pa Lidia, ☎ 339 7899107.

Conzert: la Scora de Musiga Val Badia envieia düc der bel al conzert de conclujiun a Al Plan le lönesc ai 6 de jügn dales 18:00 tal salf dles manifestaziuns. Al sará da aldí medodies y toc musicai portés dant dai scolars.

Curs: les Patrones de Mareo organiseia en curs da grilié con Pire Rubatscher, ai 4 de jügn dales 12:30 ales 18:00 za. pal Ciastel da Ras. Al gnará fat sot forma de marena con 7 - 8 derzades y döt gnará ciarcé y mangé deboriada. Le curs é davert a düc. Prenotaziuns pa Verena, ☎ 340 3455675.

Zenter Families Mareo: le ZFM organiseia en curs de acquagym con Marta Willeit por endöt 10 iadi, vigne jöbia, tal Hotel Teresa Al Plan; le pröm curs sará dales 19:15 ales 20:15, le secundo curs dales 20:15 ales 21:15. Le curs met man ai 2 de jügn y se röa ai 4 d'agost y ven ma tigní sce al é almanco 10 porsones por unité; al ven ince pité la poscibilité da fá sauna do le curs. Cost: 90,00 € por membri dal ZFM y 110,00 € por düc i atri, da paié ete sön le cunt dal ZFM, Cassa Raiffeisen, IBAN: IT 67 S 08010 58550 000305024064. Prenotaziuns y informaziuns pa Marta Willeit ☎ 339 7384558 anter le 1 de jügn.

Döt le bun a: Oliva Ellemunter ved. Ellecosta * 29.05.1926
Pepi Erardi * 03.06.1931
Bonifazio Willeit, Balsan * 04.06.1941
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 Mhz



Ann C

29.05.2016 – GRAN FESTA DLES ANTLÈS

n. 27

Past de comunanza cristiana

☞ Gen 14, 18–20 | 1 Cor 11, 23–26 | Lc 9, 11b–17

Dal Vangelo do San Lüca:

Te chel tomp ^{11b}ti cuntâ Gejú al popul dal regn de Dio y varia düc chi co á debojügn de so aiüt. ¹²Canche le de jea a fin, él gnü i dodesc da d'el y á dit: Orcia demez la jont, ch'ai vái tai paisc y tai lüsc enceria, y ciafi danló alberch y val' da mangé; deache atló sunse te n post desman. ¹³Al á respognü: Dedi os val' da mangé! Ai á dit: I n'án nia, ater co cin' pans y dui pesc; i messasson naôta jí nos enstesc a ti cumpré da mangé a döta cösta jont. ¹⁴Al ea encer cin' mile ei. Al ti á respognü a sü discepui: Dijedi, ch'ai dess se sonté adöm te gröms da cincanta. ¹⁵I discepui á fat ci ch'al ti á dit, y á ciaré che düc se sontass. ¹⁶Gejú deperpo á tut i cin' pans y i dui pesc, á ciaré sö a ci, i á benedí y i á rot jö; spo ti ai ál dé ai discepui, ch'ai i partiss fora ala jont. ¹⁷Y düc á mangé y é gnüs pasciüs. Do ch'an á albü coü adöm i toc de pan avanzés, n'él dodesc cesc.

I ponsun do

La comunité dal past con Chelbeldio y danter nos s'oblieia a sorantó responsabilité. Dan nosta porta é trepes porsones co se döra fan; ince eres o tó pert ai bens de cösta tera y ai bens d'amizizia y d'afet. Vigne zelebrazium d'Eucaristia dess se recordé nostes responsabilités por cöstes porsones.

I periun

Beldio, i te ringraziun por la scincunda d'Eucaristia. Deidesse reconesce l'enciaria che vigne zelebrazium d'Eucaristia se da. Por Crist, nosc Signur.

Wilhelm Egger "Sonntagsbibel"



☞ Letöres dla Gran Festa dal Cör de Gejú:
Ez 34, 11–16 | Rom 5, 5b–11 | Lc 15, 3–7


Edema liturgica dai 29.05. ai 05.06.2016

DOM 29.	GRAN FESTA D'LES ANTLÈS <i>Sisinus, Martyrius, Alexander</i>
08:30	gran messa ciantada solena de ringraziamont por l'Eucaristia, ♫ <i>Michael Haydn, Missa brevis a tre voci</i> prozesciun eucaristica con 2 vangeli fora Brach
▶ 14:30	espi da festa y benedisciun eucaristica
Lön 30.	<i>beat Otto Neururer, Ferdinand</i>
▶ 19:30	corona por perié do la fede y por les porsones co patesc
Ded 31.	<i>Petronila, Mechtildis, Aldo</i>
07:30	s.m. por +ti de Berto, Al Plan s.m. por +tes Paola y Metilde Ploner, La Pli
Dem 01.	<i>Iustin, Simeon</i>
Jöb 02.	<i>Marcellinus y Petrus, Eugen, Stefan, Armin - dé d'oraziun do vocaziuns</i>
19:30	s.m. por + Albert Willeit, Plazores s.m. por + Maria Pedevilla ved. Morlang, Parü
Ven 03.	pröm vendres - Sacher Cör de Gejú, <i>Karl Lwanga y compagns, Oliva</i> signor ploan va a proveder
▶ 18:45	poscibilitè da se pissié
19:30	s.m. por + Angelica Ellecosta Declara y fam. Jep y Clara Ellecosta s.m. de ringr. por les families de Hilda ved. Erlacher, Tomele funziun al Sacher Cör
Sab 04.	Cör zonza macia de Maria, <i>Clotilde, Christa, Walter, Quirin, Werner</i>
07:30	s.m. por + Obojes de Gorghe y +ti Huber da Peraforada s.m. por + Massimo Topran Cutin s.m. por + Jep Konrater, Biei defora
18:00	<i>s.m. prefestia a Al Plan</i>
DOM 05.	GRAN FESTA DAL CÖR DE GEJÚ <i>Bonifatius, Igor, Ferdinand</i>
08:30	gran messa ciantada solena ad onú dal Cör de Gejú ores d'adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia
10:00	<i>s.m. a Al Plan</i>
14:00	espi da festa y prozesciun eucaristica con 2 vangeli fora Brach
<i>ampola:</i>	por la familia d'Ansele
<i>ministronc:</i>	▶ da doman y domegna: Ivan Trebo y Pire Ellecosta ▶ da sera y domegna: Maria Burchia y Vanessa Pedevilla
<i>i recordun:</i>	Anna Giustina Ploner + 01.06.2010 Sr. Magna, Stefania Willeit, Girlan + 03.06.2008



Iolan Gejú, che te m'es gnü adancuntra.

I t'encunti vigne iade con na gran ligreza.
Tö es le pan y la fontana dla vita.
Con töa vita y töes parores
nes móstreste la bunté dal Pere tal ci.
To Spirit ó fá verde te nos le fü de to amur.
Vái ince adancuntra a chi co
n'alda nia to invit,
a chi co se stonta da gní pormez
a töa mesa,
a chi co vir dalunc da te
y ne te conesc nia.
Scinchi ala comunité atló abinada
fede, speranza y amur, pesc y sanité.
Gejú, i sa ch'i pó ince t'encunté
tai compagns y tles porsones
encer me ia.
Porchel oressi ti orei bun a vignönn
y respeté y daidé chi co á debojügn.
Romagn amesa nos, Gejú,
vigne momont de nosta vita. Amen.



**Gelobt und gepriesen sei ohne End,
Jesus Christus im allerheiligsten
Sakrament.**

*Gepriesen seist du, Herr Jesus Christus,
gegenwärtig mit deiner Menschwerdung,
deinem Tod und deiner Auferstehung.*

Ehre sei dir.

*Gepriesen seist du, Herr Jesus Christus,
gegenwärtig mit deinem Wort, deiner
Wahrheit und deiner Botschaft.*

Ehre sei dir.

*Gepriesen seist du, Herr Jesus Christus,
gegenwärtig mit deiner Liebe, deinem
Frieden und deinem Geist.*

Ehre sei dir.

*Gepriesen seist du, Herr Jesus Christus,
gegenwärtig mit deiner Treue, deiner
Wiederkunft und deiner Ewigkeit.*

Ehre sei dir.

**Gelobt und gepriesen sei ohne End,
Jesus Christus im allerheiligsten
Sakrament.**



GEBETSMEINUNG
DES PAPSTES FÜR

Juni

Wir beten für die Älteren und für
die am Rande Stehenden – für Orte
der Begegnung und der Unterstüt-
zung.

Wir beten für die Seminaristen und
die jungen Ordensleute – um Freude
und ganzheitliches Wachstum.